



UNIVERSITÄTS-
BIBLIOTHEK
PADERBORN

**Die xxi. Augusti. In Festo S. Joannæ Franciscæ Fremiot De
Chantal, Ordinis Sanctimonialium Visitationis Sanctæ
Mariæ Fundatricis**

Paderbornæ, 1770

In II. Nocturno.

[urn:nbn:de:hbz:466:1-62834](https://nbn-resolving.de/urn:nbn:de:hbz:466:1-62834)

Die xxi. Augsti.

IN FESTO

S. JOANNÆ FRANCISCÆ

FREMIOT DE CHANTAL,

Ordinis Sanctimonialium Visitationis

SANCTÆ MARIÆ Fundatricis.

DUPLEX.

Omnia de Communi nec Virginum, nec Martyrum præter ea, quæ sequuntur.

ORATIO.

Omnipotens, & misericors DEUS,
qui Beatam Joannam Franciscam
tuo amore succensam admirabili
Spiritûs fortitudine per omnes vitæ semi-
tas in viâ perfectionis donasti, quique per
illam illustrare Ecclesiam tuam novâ pro-
le voluisti: ejus meritis, & precibus con-
cede, ut qui infirmitatis nostræ consciî de
tua virtute confidimus, cœlestis gratiæ
auxilio, cuncta nobis adversantia vinca-
mus. Per Dominum &c.

IN PRIMO NOCTURNO.

Lectio de Script occur.

IN II. NOCTURNO.

Lectio IV.

JOANNA FRANCISCA FREMIOT A CHAN-
TAL Divione in Burgundia clarissimis
orta natalibus ab ineunte ætate eximiæ

A

San-

Sanctitatis non obscuras edidit significations. Eam enim vix quinquennem nobilem quemdam Calvinistam solidâ supra ætatem argumentatione perstrinxisse ferunt, collatumque ab eo munsulum flammis illico tradidisse in hæc verba: En quomodo hæretici apud inferos comburentur, qui loquenti Christo fidem detrentant. Matre orbata Deiparæ Virginis tutelæ se commendavit, & famulam, quæ ad mundi amorem eam alliciebat, ab se rejicit. Nihil puerile in moribus exprimens à sæculi deliciis abhortens, martyriumque anhelans religioni, ac pietati impensè studebat. Baroni de Chantal nuptui à Patre tradita virtutibus omnibus excollendis operam dedit, liberos, famulos, aliosque sibi subiectos in fidei doctrina, bonisque moribus imbuere satagens. profusa liberalitate Pauperum inopiam sublevabat, annonâ divinitus non raro multiplicatâ; quo factum est, ut nemini se unquam Christi nomine roganti stipem abnegaturam spoponderit.

Rx. Propter veritatem &c.

Lectio V.

Viro in venatione interempto perfectioris vitæ consilium iniens, continentiæ voto se obstrinxit, Viri necem non so-



solùm æquo animo tulit, sed in publicum
indultæ veniæ testimonium occisoris fili-
um è Sacro Fonte Suscipere suî viætrix
elegit. Modicâ familiâ, tenui viætu, at-
que vestitu contenta, pretiosas vestes in
pios usus conversit. Quidquid à dome-
sticis curis supererat temporis, precibus,
piis lectionibus, laborique impendebat.
Nunquam adduci potuit, ut alteras nup-
tias, quamvis utiles, & honorificas ini-
ret. Ne autem à proposito castimoniæ
observandæ imposterum dimoveretur. il-
lius voto innovato, sanctissimum JESU
Christi nomen candenti ferro pectori in-
sculpsit. Ardentius indies charitate fer-
vescens pauperes, derelictos, ægros, te-
terrimeisque morbis infectos ad se addu-
cendos curabat; eösque non hospitio tan-
tum excipiebat, solabatur, fovebat, ve-
rūm etiam sordidas eorumdem vestes de-
purgabat, laceras reficiebat, & mananti-
bus fætido pure ulceribus labia admove-
re non exhorrebat.

R. Dilexisti justitiam &c.

Lectio VI.

A Sancto Francisco Salesio, quo spiri-
tûs moderatore usa fuit, divinam
voluntatem edoceta, proprium Parentem,
Socerum, Filium denique ipsum, quem
etiam

etiam vocationi obſſentem ſuā ē Domo
egrediens pedibus calcare non dubitavit,
invictā constantiā deseruit, & Sacri Insti-
tuti Visitationis Sancte MARIÆ fundamen-
ta jecit. Ejus Instituti leges integerrimē
cūſtodivit; & adeò paupertatis fuit amans,
ut vel necessaria ſibi deeffe gauderet.
Christianæ verò animi demiſſionis, & obe-
dientiæ, Virtutum denique omnium per-
feſſiſſum exemplar ſe præbuit. Altio-
res in corde ſuo ascensiones diſponens ar-
duiſſimo efficiendi ſemper id, quod per-
fectius eſſe intelligeret, voto ſe obſtrin-
xit. Denique Sacro Visitationis Instituto
ejuſ potiſſiſum operâ longè, latèque diſ-
fuſo, verbo, exemplo, & ſcriptis etiam
divinâ ſapientiâ refertiſ ad pietatem, &
charitatem Sororibus excitatiſ, meritiſ re-
ferti, & Sacramentiſ ritē fuſceptiſ Moli-
ni anno Millesimo ſexcentesimo quadrage-
ſimo primo, die decimātertiā Decembris
migravit ad Dominum, ejuſque Animam
occurrente Sancto Francisco Salesio in Cœ-
los deferri Sanctus Vincentius à Paulo
procul distans aſpexit. Ejus Corpus poſt-
ea Annecium translatum fuit; Eamque
miraculis ante, & poſt obitum claram BE-
NEDICTUS Decimus Quartus Beatorum,
CLEMENS Decimus Tertius albo Sancto-
rum

rum adjecit. Festum autem ejusdem diem
duodecimo Kalendas Septembbris ab Uni-
versà Ecclesiâ CLEMENS Decimus quar-
tus PONTIFEX Maximus celebrari præcepit.

Rx. Fallax gratia &c.

*In tertio Nocturno, Homilia Sancti Gre-
gorii Papæ in Evangelium: Simile est re-
gnum cœlorum thesauro. ut in Communi
nec Virg. nec Mart.*

*De præcepto in Univ. Eccl. recitand. ab
omnib. Christifidel. tam Secul. quam Regul.
utriusq. Sexus, qui ad horas Canonic. tenen-
tur, (cum 3. orat. prop. in Mis.) ex Decr.
Urbis & Orbis edito à Clemente PP. XIV.
sub Die 2. Sept. 1769.*

Juxta Exemplar Romanum.

Cum Pernissu Superiorum.



Paderbornæ Typis & Sumptibus Wilhelmi
Junffermann, Typog. Aul. 1770.

